
DISPUTATIO MEDICA

INAUGURALIS,

DE

DYSPESIA.

9

DISPUTATIO MEDICA
INAUGURALIS,
DE
D Y S P E P S I A :

QUAM,
ANNUENTE SUMMO NUMINE,
Ex Auctoritate Reverendi admodum Viri,
D. GEORGII BAIRD, S. S. T. P.
ACADEMIÆ EDINBURGENÆ PRÆFECTI;

NEC NON
Amplissimi SENATUS ACADEMICI Consensu,
Et Nobilissimæ FACULTATIS MEDICÆ Decreto,
Pro Gradu Doctoris,
SUMMISQUE IN MEDICINA HONORIBUS AC PRIVILEGIIS,
RITE ET LEGITIME CONSEQUENDIS;
ERUDITORUM EXAMINI SUBJICIT
JACOBUS GREENHOW,
VIRGINIENSIS;

SOCIET. PHYS. REG. EDIN. SOC. HON.

NEC NON

SOCIET. AMERIC. PHYSIC. EDIN. SOC.

Ad diem 24 Junii, hora locoque solitis.

EDINBURGI:

CUM PRIVILEGIO.

TYPIS GEORGII MUDIE ET FILII.

1797.



JACOBUS GREENHOW

PHILIPPO BARRAUD, M. D.

MEDENDI ARTEM GULIELMOBURGI IN VIRGINIA NON
SINE INSIGNI LAUDE EXERCENTI,

S. P. D.

*T*OT tantaque sunt, vir eximie, beneficia quæ in me, medicinæ studium ingredientem, idque apud te, ingenuè contulisti; ut hanc dissertationem, exiguum grati animi signum, singularis tuæ erga me amicitiae haud immemor, lubentissimus tibi dicem.

Ut peritiæ tuæ medicæ meritò semper credatur, ut civitati tuæ carus, et in magno pretio nunquam non sis, a Deo optimo, maximoque, qui digna virtuti præmia ferre non cessat, ardentius exopto.

ITEM,

ITEM,

JACOBUS GREENHOW

FRATRI SUO AMANTISSIMO,

ROBERTO GREENHOW, ARMIGERO,

S.

*T*IBI quoque, carissime frater, qui mihi benigni patris
quem eheu! immaturè abstulit atra dies, vice semper
functus fueris, has pagellas amoris fraterni, quem nulla
unquam delebit oblivio, pignus sacrum esse volo.

Vive.

CORRIGENDA.

In p. 11, l. 18, *pro* Hepetitide, *lege* Hepatitide

— p. 14, l. 1, — volutent, — volutant.

— p. 21, l. 11, — effecit, — efficit.

DISPUTATIO MEDICA

INAUGURALIS,

DE

DYSPEPSIA.

J. GREENHOW, AUCTORE.

PROËMIUM.

NIHIL mirabilius aut explanatu difficilius, quam miranda illa vis, qua ventriculus in totum corpus pollet: ad hoc enim, quod ventriculus princeps concoctionis, qua alimenta in pabulum mutantur, quo diversarum machinae animális partium damna reficiuntur, organum existit, accedit nexus ventriculum inter et omnia fere organa, qui viribus vix, aut ne vix quidem minoribus in totam machinam agit.

A

Nexus

Nexus hicce mirificus *sympathia* vocatur: hinc pendet, quod plurimæ non solum diaeteticæ, sed etiam pharmaceuticæ, supellectilis, res, effectus suos, cum primum in ventriculum recipiuntur, in remotissimas corporis partes diffundunt.

Hoc quidem organum vitio vel levissimo vix affici potest, quin turbam, cum omnibus machinae partibus communicet; sanitate autem reduce, vivida vigoris vis longe lateque in totum corpus diffunditur. “Languido ventriculo, omnia languent, vigeto vigent.”

Nec minus admiranda est *sympathia*, quæ stomachum inter et alia corporis organa intercedit: pauci quidem existunt, qui non observant, immanè quantum, cæteris machinae organis laborantibus, ventriculus laborat: ut verbo expediam; nullo neque ad insignem ejus sentiendi vim, neque ad nexum universalem, probandum

bandum, argumento opus : utrumque experientia quotidiana docet.

Quanta vi stomachum in totum corpus agere veteres existimarunt, ex sequentibus Aretæi verbis patet : “ Stomachus delectationis tristitiæque princeps est *.”

In hac disputatione inaugurali de ventriculi morbo, qui dyspepsia nuncupatur, quique ex magna signorum molestissimorum caterva haud parum sæpe miserando ægro, et amicis ejus, per longæ vitæ curriculum miseriæ, et negotii facescente, constat, differere statuo.

Hic morbus nullius, neque sexus, neque regionis, proprius existit : Victimæ ejus rarius inter temperatos, qui parce et frugaliter vivunt, et idonea corporis exercitatione utuntur ; plerumque vero inter homines voluptuarios et sedentarios se ostendunt.

A 2

DEFINITIO.

* Vid. Aret. Cappad. De Caus. et Sig. Morb. Diutur. lib. ii. cap. vi.

DEFINITIO.

“ Anorexia, nausea, vomitus, inflatio, ructus,
 “ ruminatio, cardialgia, gastrodynia; pauciora
 “ faltem vel plura horum simul concurrentia,
 “ plerumque cum alvo adstricta, et sine alio
 “ vel ventriculi ipsius, vel aliarum partium
 “ morbo *.”

HISTORIA.

Signa, quæ plerumque, morbo inchoato, vel non multum provecto, se ostendunt, sunt plerumque sensus ponderis ac molestiæ in ventriculi regione, post pastum auctus; interdum vero ejusdem, et inferioris œsophagi partis, calor, qui materiæ modo insipidæ, sæpius vero acidæ, ructu comitatur.

Æger

* Vid. Cullen. Synop. Nosol. Method. tom. ii. gen. xlv.

Æger cibum, more antea solito, præsertim inter jentandum non appetit; et cibi pars brevi postquam affumitur, in fauces naturâ acidâ, rancidâ, amarâ, vel putridâ, indutâ, redit.

Nonnulli ægri animalium ruminantium instar, cibum a ventriculo in os evocare possunt.

In nonnullis autem exemplis cibi appetentia præter naturam augetur. Sæpiissime murmurant intestina, in quibus tanta nonnunquam aëris vis existit, ut abdomen modo ultra molem naturalem distendat; modo sursum, deorsum, qua data porta, ruat.

Ventriculus et intestina spasmo et doloribus torquentur: alvus est plerumque astricta, modo vero laxa. Æger interea languore afficitur, motum fastidit, et pristina hilaritas ac suavitas illi eripitur.

Morbo inveterascente, omnia signa memora-

ta

ta non modo sæpius, sed etiam gravius urgent; aliaque nova signa succrescunt; dolor enim ventriculi obtusus et fere perpetuus sentitur; nausea et vomitus admodum frequentes evadunt; cibus fastidium fert, vel nulla fere appetentiâ sumitur; et minima tantum quantitate retineri potest. Æger vel minimas frigoris et caloris vicissitudines facile percipit; et de artuum inferiorum frigore sæpe conqueritur; jamque cætera signa haud raro ingravescent. Capitis dolor sæpe haud parum negotii faceffit; et nonnunquam adfunt vertigo, palpitatio, singultus, tinnitus aurium, spirandi difficultas, tussis, doloresque in variis corporis partibus, quæ hepatitidis vetustæ signa nonnunquam simulant *.

Cutis est sicca et pallida; et aliquantulum flavescit, halitusque ejus haud parum minuitur: lingua ac fauces sæpe arent et materia albida obducuntur.

* Vid. Ferriar's Medical Histories and Reflections, tom. ii.
p. 27.

obducuntur. Saliva subinde majore solito copia manat : spiritus admodum foetet : urina est varia ; modo colore rubicundiore ; modo limpida, et magna copia reddita.

Pulsus est languidus ac debilis, et sæpé levissimo corporis vel animi motu frequens et abnormis evadit.

His signis urgentibus, corpus paulatim macrescit ; magnaue debilitas, et mobilitas, adfunt ; muscoli nativam suam firmitatem amittunt ; æger a quavis exercitatione abhorret : hæc enim magnam defatigationem, palpitationem, spirandi difficultatem, et proclivitatem in animi deliquium, inducere solet.

Ægro noctes vigilantur amaræ ; et si obdormiscat, somnus est fugax, vel diris infomniis turbatur ; vel miser ab incubone diluditur*.

Facies

* Vid. Whitt's Works, p. 625.

Facies pallida, collapsa, ac tristis, spectaculum lugubre, verum animi, qui nunc gravissime demittitur, indicem exhibens.

Æger pavidus ac tremebundus evadit ; tristemque rerum suarum, de quibus pene desperat, statum hallucinatus, omnes suas ægrotationes ultra modum exauget, pluresque quæ non existunt, fingere solet, infaustum ægrotationis exitum prædicit : illisque ægritudinem imaginariam persuadentibus graviter succenset : raro indulget hilaritati, quæ si forte illucet, fit plerumque nimia et fugax : porro est difficilis ac morosus, et facile irascitur, et ut cel. Sydenham asserit, inconstantia sola sibi constat *.

Dotes animi, præsertim memoria et iudicium, quæ nunquam sine molestia exercentur, haud parum minuuntur.

Hac utique sunt signa, quæ dyspepsiam inchoatam,

* Vid. Opera Sydenham.

choatam, progredientem, et inveteratam, constituunt: omnia autem signa rare eundem ægrotantem afficere, neque certo sibi ordine succedere observandum est.

Dyspepsia cursum suum pedetentim absolvit; et sæpe nunquam ad ultimam suam inveterationem pervenit.

Multi, paucis tantum ex signis jam recensitis, iisque non admodum gravibus, et per totum vitæ cursum, sanitate generali parum labefacta, perstantibus, afficiuntur.

Quando morbus propria inveterationis suæ signa ostendit, æger vitam miserrimam agit, et lenta valetudine conficitur.

Citius autem aut serius, anasarca aut ascites supervenit; et nonnunquam viscerum obstructio, febris *hectica*, et alvi proluvies, quæ miserando animam extinguunt.

DIAGNOSIS.

Signa ad dyspepsiam pertinentia aliis morbis superveniunt : neque, nisi morbo primario sublato, sanari possunt. Indicia igitur, quibus dyspepsia *symptomatica* ab ideopathica dignoscatur tradenda sunt.

Morbi, quibus dyspepsia ob similitudinem confundi potest, sunt *Podagra atonica, hepatitis vetusta, amenorrhoea, schirrus pylori.*

Podagra Atonica. Animum ad sequentia advertendo cognosci potest, num hæc adsit. Si ægrotantes fuerint mares, annos plus triginta quinque, ex parentibus podagricis nati ; si pedes antea podagrosi fuerint, si dyspepsia signa subito accedunt, et subito recedunt, podagra causa agnoscenda est.

Cum

Cum affectio primaria diu perstiterit, dyspepsia a podagra nullo fere negotio dignoscitur.

Hepatitis vetusta Dyspepsiæ signis admodum sæpe comitatur, quæ, ob magnam *obscuritatem*, qua hepatitidis vetustæ indices involvuntur, sæpius pro dyspepsia primaria habentur*.

Contra, dyspepsiæ idiopathicæ signa adeo nonnunquam hepatitidis vetustæ indicia simulant; ut medicos aliquamdiu falsos habuerint. Professor noster HOPE dyspepsiæ casum narrat, quam clinicus hepatitiden vetustam ratus hydrargyro tractabat †: hinc limites inter hos morbos ponere, si fieri quidem potest, res maximi momenti est.

Saunders, quibus hepar afficitur, his dolorem haud levem in partibus scrobiculo cordis vicini-

B 2

nis,

* Saunders on the Liver, necnon Lachl. Maclean Tentam. Med. Inaug. de Hepetotide.

† Aud. Prælect. Clinic.

nis, et epigastrio, plus minus pressis, sentiri, et morbo progrediente, calorem auctum et pulsus arteriarum celeres, aliaque febris indicia præfertim sub noctem observari, refert *. Porro num æger peregrinatus fuerit in calidis terræ plagis, in quibus hepatitis potissimum viget, inquirendum erit.

In dyspepsia insuper dolorem, qui illum ex hepatis affectione oriundum mentitur, non adeo esse fixum sedemque suam semper mutare, vel prorsus, erumpente aëre evanescere, observatum est.

Amenorrhœa. Menses vel solito parciore vel non omnino fluentes ventriculi ægritudinem prægressi harum affectionum discrimina digito quasi indicant.

Hypochondriasis. Num hæc et dyspepsia essentia quid diversæ sint, acriter disputatum est.

CULLENUS

* Vid. Saunders on the Liver.

CULLENUS easdem aliqua distare credebat; hincque ad diversa genera in Nosologia sua Methodica retulit. Hoc potissimum ideo fecit, quod diversa temperamenta adoriuntur; quod in illa animus gravius quam in hac affici solet, et quod remedia quædam quæ illi profunt, huic obfunt.

Negari autem non potest, quin causæ eædem existant, et signa parum, magnitudine sola, discrepent.

Et sane in omni morbo, habitus corporis diversitas signorum diversitati ansam præbebit, quod quidem signorum discrimen remedia plus minus pro rata differentia diversa postulabit.

Minime mirandum est juniores, et temperamento sanguineo præditos, minus detrimenti, ventriculo turbato, capere, quam ætate provec-
tos et melancholicos, qui taciturni, ac medita-
bundi, existunt, quique eandem rem diu animo
secum

fecum volutent; et hinc consequens est, rebus suis adversis immorantur magis, et quasi incubant. Denique morbus cui nomen hypochondriasis, iisdem fere, quibus dyspepsia, remediis tollitur.

Schirrus Pylori. In hoc malo alimentorum concoctio multo pejus perficitur, magnus ventriculi ardor, cum ructu admodum acido, vehementisque pylori dolor, pressu auctus sæpe sentiuntur. Pylori tumor, cum vomitu frequente, febre *hectica* et nonnunquam materiâ sanguinolentâ, vel pure sursum deorsum rejecta.

CAUSÆ.

Nexus qui ventriculo cum aliis corporis partibus intercedit, dyspepsiæ causas valde exauget; morbus enim non solum has res, quæ in ipsum ventriculum agunt, sed etiam illas, quæ effectus suos in alias corporis partes primitus edunt,

edunt, et inde cum ventriculo communicant, causas suas agnoscit.

Harum causarum præcipuæ sunt; opium, potiones meraciores, amara, aromata, astringentia, thea, coffea, nicotiana, ingluvies, vomitio frequens, diæta parca, vita sedentaria, studium intensum, violentiores animi effectus, nimia venus, vigilia nimia, aër frigidus et humidus corpori haud exercitato admotus.

Opium, potiones meraciores, amara, et astringentia. Quicquid ex modico horum medicamentorum usu boni provenerit; ex nimia vel diutius justo eorundem administratione continuata, ventriculum alimentis solvendis impar fieri, motumque canalis alimentarii peristalticum torpere, et totum corpus infirmari, plus satis experientia constat.

Nimius theæ, aut coffeæ meracioris, usus eundem effectum plus minus edit: et aliis causis
adjutus

adjutus ad morbum concitandum conspirat ; harum enim potionum calor, cæterarum potionum tepidarum, præsertim ex spiritu vini conflatarum, instar, vires deletrices auget.

Nicotianæ usus alimentum saliva, quæ ad eadem solvenda facit, spoliando agere videtur.

Ingluvies musculorum ventriculi, hunc ultra modum distendendo, vires minuit, torporem, aut paralyfin plus minus infert.

Vomitio frequens. Ventriculus inter vomendum non solum suis, sed etiam abdominis musculis valide agitatur ; quæ quidem violentior musculorum actio ventriculi vires brevi convellit.

Diæta parca Plebeculæ, quæ improbo labore infirmatur, cuique cibi idonei copia viribus deficientibus reficiendis par non suppetit, dyspepsiam nonnunquam excitat.

Vita sedentaria, et studium intensum. Quantum justus functionum usus ad sanitatem confert, inter omnes constat; nec minus patet, quanta vi justo minor earundem actio in totius corporis et præsertim ventriculi, debilitate efficienda, pollet. Vita sedentaria, studio intenso comite, effectus adhuc majores edit.

Ventriculus primitus ex mentis perturbatione pati videtur. Tissot opinatur: “ The
 “ more intensely any man thinks, and the
 “ more powerfully he exerts the powers of his
 “ mind, the more slowly and with the greater
 “ difficulty (cæteris paribus) does he digest his
 “ food: and, on the other hand, the freer a
 “ man’s mind is from reflection, the more
 “ readily, and the better does he digest his
 “ food *.”

Affectus animi vehementiones. Inter hos animi dolor, et anxietas causæ dyspepsiæ frequentissimæ

* Vid. Tissot on the Diseases of Literary and Sedentary Persons.

tiffimæ existunt: neminem latet, quam cito, quantaque vi cibi appetentiam reprimunt; et pene delent; hinc si satis diu agunt, causæ morbo excitando minime impares existunt.

Venus nimia totum corpus, et ventriculum præsertim solvit: WITHERS eandem pro causa frequentissima et potentissima habet *.

Corpus haud exercitatum frigori objectum. Calor corporis non exercitati ambientis aëris frigore brevi aufertur: corpore autem exercitato, caloris generatio est major; et quamprimum calorigi pars avolat, nova quantitas pro rata partis ablatae portione suppeditatur. Humor frigore conjunctus majore adhuc vi pollet: hinc qui a ventriculo laborant, cælo humido et frigido pejus se habere solent. Quærat forsan, quare ventriculus, corporis extremi calore minuto, male se habet; hoc ex consensu, qui ventriculo cum toto corpore intercedit, pendere responderi potest.

CAUSA

* WITHERS on Chronic Weakness.

CAUSA PROXIMA.

Ex periculis plurium clarissimorum philosophorum, fuccum quendam ventriculo secretum primariam alimentorum concoctionis causam existere, jam inter omnes fere medicos convenit; operandi autem modus caligine involvitur; elementa enim, aut dotes, quibus effectui adeo mirifico præstando par est, chymia nondum detexit.

Quando concoctionis processus imperfectus est, hoc vitium alicui succi gastrici mutationitribuendum videtur: hæc mutatio e vasorum ventriculi fecernentium debilitate, causarum remotarum opere effecta, pendere videtur: eadem debilitas, ut opinor, vel liquoris gastrici quantitatis imminutæ, vel solitarum virium ejusdem solventium minutarum, causa existere potest.

Ingeniosus WILSON, experimentis quibusdam in se ipso dyspepsia laborante factis, quantitatem succi gastrici imminutam solam existere causam confecit*: quamvis autem hoc casui ejus competere concedatur; inde tamen virium solventium defectum in aliis ægris causam non existere minime colligi potest.

Num liquor gastricus tantas unquam mutationes subeat, ut quædam ex principiis, unde naturaliter constat, desint, dubitari potest.

Præter causas jam recensitas, ventriculi musculorum debilitas pro parte causæ utique habenda videtur; hi enim muscoli viribus integri alimenta et liquorem gastricum agitant, miscent, efficiuntque, ut eorundem particulae propius ad se invicem accedant; et alimentum jam solutum ad pylorum pellunt. si igitur hi muscoli officio suo non rite fungantur, liquor gastricus in alimenta non adeo perfecte agere potest: hinc alimenta diutius in ventriculo reti-

nentur;

* Vid. Wilson Dissert. Inaug. de Dyspep.

mentur; et hinc fermentationem fubeunt; quæ, ut inter omnes fere medicos constat, salutari alimentorum concoctioni repugnat.

RATIO QUORUNDAM SIGNORUM.

Anorexia, nausea, et vomitus, a quantitate vel viribus fucci gastrici imminutis, vel a mobilitate ventriculi aucta, vel a cruditatis irritatione oriri videntur.

Inflatio et ructus. Cibus vel ob moram ejus in ventriculo, vel ob fucci gastrici vitium, in acorem ruit: hinc aër, qui vel ventriculum distendit, vel inter erumpendum ructum effecit, gignitur.

Ruminatio. Propter causas jam memoratas alimenta easdem fere mutationes patiuntur, quas extra corpus posita subirent; hinc acida, amara putrida, vel rancida fiunt; indeque in-

versam

versam ventriculi et œsophagi actionem excitant, qua sic mutata in os revocantur.

Cardialgia est caloris aut molestiæ sensus, qui ex acido in ventriculo existente plerumque oritur.

Gastrodynia, vel dolor, ex ventriculi spasmis oriundus, ex aëre eundem distendente, et nonnunquam ex crudis acrimonia pendet.

Alvi durities, ex motus *peristaltici* torpore oritur; proluvies ejusdem exorta pendet ex acrimonia rerum, quæ in canale alimentario existunt. Aucta cibi appetentia, quæ nonnunquam supervenit, acido in stomacho existenti tribuenda videtur.

Dolor capitis, vertigo, tinnitus aurium. Ex principio bene cognito, nexu nimirum ventriculi inter et caput existenti solo exponi potest.

Dyspnea

Dyspnea, tussis, singultus, palpitatio. Ut horum signorum ratio reddatur, ad nexum ventriculi inter et pulmonem et cor confugiendum est.

Mœstitiâ et metum ex nexu animum inter et ventriculum pendere satis manifestum est.

PROGNOSIS.

Hic morbus licet plerumque lentus raro funeste terminatur. Si æger juvenis et temperamento sanguineo præditus fuerit; nec causæ, neque morbus diutius perstiterint, bonum augurandum; modò medendi ratio post hoc memoranda observata fuerit: sin autem æger ætate provectus, et temperamento melancholico præditus fuerit, causæque per longum tempus egerint, et morbus longius progressus fuerit, malum prædicendum; saltem sanitatem vix sperare licet.

RATIO

RATIO MEDENDI.

Medicorum conatus morbo radicitus fanando haud raro impares evadunt, vel ob repugnantiam, qua ægri ad causas morbi relinquendas, vel regulas medendi præscriptas observandas, adducuntur. In causis enim evitandis princeps rei cardo vertitur; hac re neglecta, medicina frustra tentatur.

Ebriofo autem, quamlibet opus arduum et difficile, cantharo suo valedicendum: helluoni, Epicuri de grege porco, a genio suo nimis indulgendo temperandum: studioso animus recreandus, sedentario corpus exercendum. Ne diutius teneam; omnes causæ sedulo vitandæ sunt.

Causis evitatis, duo adhuc medendi consilia supersunt. Imo, Sublatio nimirum signorum, quæ

ad morbum asperandum et perpetuandum præcipue conferunt: 2do, Virium ventriculi restitutio.

Prius vero quam de his agemus, quædam præcepta diætetica, quæ ad curationem haud parum faciunt, tradenda sunt.

Si æger cibis laute conditis affuescat, hi paulatim subducendi sunt; ventriculus enim subita cujusvis cibi, cui diu affuetus fuerit, immutatione languescere et male se habere solet. In omni exemplo is debet esse cibus, qui facillime concoquatur; in hunc finem, generis peculiaris, et certo modo coctus, fuerit oportebit.

Cujusvis generis fruges, ob præcipitem in fermentationem proclivitatem, in hoc morbo parum idoneæ sunt: si autem assumentur, eæ esse debent, quæ minus in acorem vergunt, quasque æger expertus optime convenire noverit: ita igne, aliove modo concoquendæ sunt, ut leves

et texturæ laxioris fiant. Juniorum animalium carnes, quàm ætate provectorum, difficilius digeruntur; quod naturæ illorum glutinofiori tribuitur. Quo minore arte coquantur carnes, eo facilius solvuntur: hinc caro simpliciter cocta, five elixa, five affa, plerumque anteponenda est. Quæ fumo, aut muria, indurantur, carnes, eæ difficilius ventriculo subiguntur: olea ægre solvuntur: hinc caro, cæteræque res omnes, quæ multum olei habent, fugiendæ sunt.

SAUNDERS jufcula ex carnibus parata folutu difficilia opinatur; super hac re hæc habet verba: “ I am perfuaded, that the ftomach digests
 “ folid aliment more eafily than liquid, and
 “ bulky food; and that foup and broths are
 “ more quickly difpofed to run into fermenta-
 “ tion*.” Quibus autem ventriculus vix aliquid retinere poteft, his lac cum bono exitu datum fuit.

Quicquid

* Vid. Saunders on the Liver.

Quicquid autem de cibi delectu dicatur, fatendum est nullam diætæ speciem existere, quæ constanter facilis aut difficilis solutu jure haberi potest; eadem enim esculenta aliis, vel eisdem aliàs, effectus plane contrarios præstare solent. “ Difficile vero est præcepta ulla certa
“ aut fixa dare de re adeo incerta ut facultas
“ concoctionis alimentorum, quæque a tot variis
“ rebus pendet, imprimis autem a constitutione
“ ægri, et statu præsentis ventriculi, et natura
“ morbi, et vi consuetudinis, et vitæ genere
“ quam ille degit, ejusque interdum fastidio et
“ repugnantia, vel cupiditate aut amore quorundam ciborum *.” Concoctionis facultas pendet multum ex modo, quo cibus assumitur: parva cibi copia solito frequentius, plusquam largior justo rariùs sumpta, prodesse solet. Alimentorum farrago nocet. Variæ esculentorum species simul devoratae ventriculo plus damni, quam par cujusvis horum copia inferre solet †.

D 2

Qui

* Vid. Gregor. Conspect. Medic. Theoret. tom. 2. p. 50.

† Vid. Opera Sydenham.

Qui diu morbo laborant, hi cibum suum adeo imperfectè concoquunt, ut aromatum auxilio indigeant : hæc autem quam parcissime utenda sunt.

In plerisque hujus morbi exemplis potus aqua mera esse debet. Qui autem potionibus meracioribus multum affueti fuerint, his pauxillum aqua multa dilutum concedi debet. Ex vinis, rubrum Lusitanum et Madeirense cæteris omnibus longe præstant. Liqueores e *byne* præparati in fermentationem procliviores existunt ; hinc omnes, si fortis illa cerevisia Londinesis, *Porter* dicta, excipiat, quæ ventriculi cruditate laborantibus imprimis utilis esse solet, parum idonei sunt.

PRIMUM MEDENDI CONSILIUM.

Signa, quæ hoc consilium absolvendo curantur, præ cæteris notabilia existunt ; et quamvis
nullo

nullo admodum gravi periculo comitantur, ob dolorem tamen et molestiam, quos cient, præfens folatium postulant.

Anorexia et nausea, ut supra diximus, ventriculi fordibus tribuendæ sunt: hinc medicamenta vomitoria easdem evacuandi consilio plerumque adhiberi solent: horumque mitissima, infusum nimirum chamæmeli florum, sinapis, ipecacuanhæ, &c. anteponenda sunt. Doctor WILSON vomitione sæpius usus, ejusdem iterationem postridie æque necessariam comperisse se refert *. Si vomitio igitur, quoties signa recrudescent, adhibeatur, fieri non potest, quin malum, modo supra dicto, adaugeat. Omnia fere vomitionis commoda ex usu cathartorum leniorum, qualia sunt rheum, magnesia, pilulæ alæticæ, electuarium fennæ, percipi posse mihi videtur.

Vomitio, Haustu effervescente, aqua menthæ,
et

* Vid. Wilson. Dissert. Inaug. de Dyspep.

et opio, confopienda est : si eadem ventriculus respuat, opium *enematis* forma administrari debet.

Cardialgia, ex ventriculi acore pendens, est signum in primis molestum, nec raro multum negotii facessit. Eidem plerumque occurri potest, vitando cibum acescentem, qualisve in acorem proclivis fit. Acidum autem existens salibus *alkalinis*, vel terris absorbentibus, corrigi potest : ex his præparata optima sunt magnesia usta, et potio cretacea ; hanc autem, alvo laxa, illam vero, eadem astricta, exhibendam observari debet. Porro acidum medicamentis diluentibus, et demulcentibus, aqua nimirum pura, vel potu mucoso obtundi potest.

Gastrodynia et dolores etiam colici medicamentis *carminativis* dictis, oleo nimirum anisi, aut menthæ ; citius autem *antispasmodicis*, opio scilicet, æthere sulphurico, tollenda sunt. Inter ætherem administrandum, ne dosibus justo majoribus,

joribus, quippe quæ dolorem nonnunquam augeat, assumatur, cura adhibenda. Quando signa his remediis non cedunt: fomenta calida abdomini admota idonea sunt.

Alvi duritie sublatâ, signorum molestiorum pluribus occurri potest; huic consilio cathartica mitiora, qualia sunt magnesia, rheum, pilulæ alæticae, optime respondebunt.

CONSILIUM SECUNDUM.

Ad secundum jam medendi consilium, virium scilicet ventriculi restitutionem, quod perficitur medicamentis roborantibus, quæ rectâ in ventriculum ipsum, vel in totum corpus agunt, devenimus; inter illa eminent amara et aromata.

Ante vero quam ulterius progrediamur; amara et aromata, licet morbum inchoatum
cito

cito levant, diu tamen adhibita morbum robustiorem nunquam non reddere, observandum est.

Cùm autem modica copia, et cautà manu exhibentur, effectus bonos et permanentes præstare solent. Colombo et gentianæ radices, et chamæmeli flores, cæteris amaris diu anteponi solebant. Professor HOPE chamæmeli florum extractum cum ferro conjunctum remedium valde efficax comperit *.

Inter aromata maximi fiunt cinnamomi cortex, et canella alba : istuc datum est aurantio, ut cortex ejus dotibus amaris et aromaticis præditus sit. Inter tonica vero ex frugibus derivata primum locum tenet cinchona, forma pulveris, infusi, extracti, quâvisve aliâ, quæ ventriculo magis arrideat, administrata : quibusdam ægris, nulla forma convenit. Hîc ad alia tonica confugiendum.

Omnium

* Aud. Prælect. Clinic.

Omnia vero tonicorum maximo pretio et honore habentur quædam ex ferro præparata, tinctura nimirum ferri et rubigo, et ferrum vitriolatum: horum effectus, amaris aut aromaticis additis, haud parum adjuvantur. In aquis ferratis naturalibus ferri copiam cuius effectui insigni præstando parem chymia non detexit. Quicquid boni inde percipitur, id aquis ventriculi cruditatem diluentibus, vel hoc viscus quasi abludentibus, fere omne tribuendum videtur.

Acidum sulphuricum dilutum omnium tonicorum quæ adhiberi solent inter præstantissima merito habetur.

Aqua picea, acidum nimirum *pyrolignicum* magni olim in hoc morbo facta, in defuetudinem abiit. *Aqua alkalina aërata* cum fructu adhibita fuit. *Aqua calcis* nulla insigni vi tonica pollet.

Hoc malo laborantibus phyfici quidam inge-

niosi succum gastricum carnivororum animalium exhibendum proposuerunt; concessio autem, sufficientem hujus liquoris copiam parari posse; cibo, dum hic succus in ventriculo maneret, solvendo solum inserviret: minime vero ad vasa hujus visceris fecernentia roboranda faceret.

Tonicis, quorum vires in totum corpus pol-
lent, multo magis quam his jam memoratis, fi-
dendum est; et summam attentionem meren-
tur.

Exercitatio. Æger sedulo monendus salutem
fere nullam, illa neglecta, esse sperandam;
cætera tonica pro exercitationis auxiliis tantum
habenda sunt. Exercitatio vasa torpida et mus-
culos excitat, eorundemque vires restituit; cu-
tis halitum, et cibi digestionem promovet;
animumque hilarem et fortem reddit. Cura
autem adhibenda, ut exercitatio ægri viribus
par

par fit, neque unquam ad defatigationem usque intendatur.

Quando ambulatio adhiberi potest, cæteris omnibus longe præstat; si ægri autem vires labascunt, gestatio anteponenda est. Omniumque hujus generis, equitatio, quippe qua corpus propriis viribus magis exercetur, gestationi in curru anteferenda est.

Quando hæ exercitationes, quo par est gradu, adhiberi non possunt, ad frictionem, quæ etiam una cum his usurpari potest, confugiendum erit.

Cum ventriculi cruditate laborantes subita quavis cœli mutatione, et præsertim aëre humido facillime afficiuntur, ad cœlum æquabilius ficius et temperatius, si fieri potest migrare debebunt: Quando hoc fieri nequit, corpora ipsorum ab aëris intemperie indusiis laneis defendenda sunt.

Aër purus ac frigidulus ad totum corpus astringendum ac roborandum confert: contra aër calidus, aut interceptus, corpus laxat et solvit.

Balneum frigidum. De viribus, quibus hoc remedium in toto corpore roborando pollet longa experientia constat: haud raro tamen, imperite adhibitum, eidem parum prodest, immo etiam obest.

Frigidarii temperies viribus, cæterisque ægri propriis, temperanda est. Hoc consilio, cum primum adhibetur; calor major esse debet, paulatim, prout æger eidem assueverit, minuendus. Nonnunquam evenit, ut balneum frigidum, cum primum usurpatur, ægro parum congruat; usu autem idem solita sua commoda adfert.

Gas oxygenium dilutum. Effectus, quos hoc remedium inspiratum edit, usum ejusdem in hoc
malo

malo fuggeffit. Nec parum profuit, ut ex quibusdam cafibus nuper editis conftat. Ufus ejus arteriarum pulfus frequentiores ac validiores reddit, calorem levem ac gratum in totum corpus, coloremque floridum in cutem, diffundit : animumque infigliter exhilarat*.

Ad animi mœftitiam, quæ adeo hujus morbi curationi obftat, fumma cura incumbendum eft. Omnia denique annitenda, quæ ægri animum a malo, ad quamvis aliam rem avertendum faciunt, qualia funt hilaritas, lufusque qui animum occupant, ftudia leviora, negotia quæ modicam tum animi tum corporis excercitationem poftulant; ea autem non effe debent, quæ animo ægritudinem aut mœftitiam concitant; peregrinatio, cœlo fereno, multa que alia, de quibus adeo conftat, ut enumeratione opus non fit, sæpe profuerunt.

* Vid. Beddoes on Faftitious Airs.



